



## Universitätsbibliothek Paderborn

**R.P. Clavdii Aqua-Vivae Societatis Iesv Præpositi  
Generalis V. Meditationes In Psalm. 44. et 118**

**Acquaviva, Claudio**

**Coloniæ Ubiorum, 1616**

89 In æternum, Domine, verbum tuum permanet in cœlo. 90 In generationem & generationem veritas tua: fundasti terram, & permanet.

91 Ordinatione tua perseuerat dies: quoniam omnia seruiunt tibi.

[urn:nbn:de:hbz:466:1-50645](#)

89. In æternum Domine, verbum tuum  
permanet in cœlo.

**S**V sp e x i, & legi librum potentiae, &  
sapientiae tuæ: audiui concentus musicae  
compositionis tuæ: Vidi cœlum, & ter-  
ram, & dierum ac noctium dispositionem.  
Quid pulchrius, quid iucundius legi, vel  
audiri potest? & in medijs afflictionibus,  
& temptationibus leuaui oculos meos ad op-  
era digitorum tuorum, & cōsolatus sum.  
Vidi enim, & consideravi verbum, & præ-  
ceptum, ac mandatum tuum perenniter  
in cœlo permanere. Ecce oritur sol, & oc-  
cidit, & ad locum suum reuertitur: ibique  
Solis cō-  
sideratio.  
Eccles. 5. renascens girat per meridiem, & flectitur  
ad Aquilonem, lustrans vniuersa per cir-  
cuitum: pergit spiritus, & in circulos suos  
reuertitur: vas admirabile, opus tuum.

**Psal. 18.** Quam pulcher cum exultat, vt gigas ad-  
currerat viam? A summo cœlo egressio  
eius, & occursus eius, usque ad summum  
eius; nec est qui se abscondat à calore eius.  
Cum infatigabili cursu in ecliptica, per  
media animalia tempora mutat, & acce-  
dens, atque recedens generationes, & cor-  
ruptiones affert. Dum lunam nocturnas  
tenebras consolantem accessu, & recessu  
complet, & vacuat: vt præsit nocti, & hu-  
mectatione pluribus consulat. Quomo-  
do nunc breuiores dies ad quietem, &

1635

## IN PSAL. CXVIII.

467

temperiem longioresque exhibet noctes;  
nunc contra prolixiores dies ad calorem,  
& fœcunditatem? quomodo viuifico ca-  
lore fouet omnia, & terræ etiam viscera  
penetrans aurum exhibet, & argentum.  
Tu es enim, qui emittis lumen, & vadit:  
& vocas illud, & obedit tibi in tremore.  
Stellæ autem dederunt lumen in custodij-  
suis, & lætatae sunt: vocatae sunt, & dixe-  
runt adsumus: & luxerunt tibi in iucundi-  
tate, qui fecisti illas, qui numeras multi-  
tudinem stellarum, & omaibus eis nomi-  
na vocas: qui formasti Arcturum, & O-  
rion, & Hyadam, & interiora Austri: alias  
que distribuisti, ne errore errantes; alias  
fixas, & immobiles in firmamento con-  
stituisti. Quis enumeraret in his omnibus  
sapientiam tuam, quis pulchritudinem,  
quæ à magnitudine speciei cognoscibiliter  
videri potest? Statim siuum fixum tenent,  
& innumerabili varietate te prædicant, te  
laudant, te admirabilem clamant. Quid  
si etiam horum & motuum, & dispositio-  
num administros Angelos cōtemplemur,  
quos amatus, & desideratus ad motus hu-  
iusmodi efficiendos, virtute à te mirifica-  
mouendi accepta, ipse immobilis, atque  
immutabilis ciere non desinis? Hoc est ver-  
bum, & præceptum, quod manet in cœlo:  
quod posuisti, & non præteribit.

Iam vero etiam terra, quā fundasti su- Et terre  
per nihilum, & quæ in æternum perma-

V. 6

met.

## 463 MEDITATIONES

Job 38.

net, laudes tuas celebrat; meque consolatur, & recreat. Tu posuisti fundamenta eius, posuisti mensuras eius, tetendisti super eam lineam, bases illius solidasti, demisisti lapidem angularem eius. Verbum tuum permanet in ea, & ipsa seruat præceptum: fundata super stabilitatem suam continens, portans, producens innumera animantia, fruges, fructus, herbas, flores. Expectat pluuiam: clamat ad te siticulosa, cum desiderat nubes, quæ spargant lumen suum, id est, liberalitatem imbrium, siue in una tribu, siue in alia, siue in quoconque loco misericordiae tuæ eas iusseris inueniri. Alluitur mari, cui tu vates, & seras adhibuisti, ne transeat fides suos, sed in arenam confringat tumentes fluctus suos. Rigatur fluminibus perpetuo decurrentibus, ipsa semper stabilis: fontibus inebriatur, ut concinnè omnia concinant. Veritas ergo tua in generationem, & generationem perseverat: præceptum tuum cum terra permanet. Iam cœlum, & terram cum admiror; & in his verbum, & præceptum tuum perseverare contempler: rursus diem, ac noctium vicissitudinem animaduerto: quomodo dies diei eruget verbum, & nox nocti indicet scientiam: quomodo in aliqua parte terræ solis ministerio dies sit, in alia rursum admirabili cōcentu nox: nec variatio illa in dierū, & noctium annua alternatione, siue quantitate cernatur;

Et dierū,  
ac noctiū.  
Psal. 18.

tur; sed quoniam omnia seruiunt tibi, ordinatione tua immobilia perseverent. Hęc omnia, inquā, cūm cōtemplans admiror, magna mīhi ex ijs prouenit legis tuę, seu admirandę, seu seruandę facultas, frequēs incitamentum, perpetua materia. Neque id propter vnam, simplicemque rationem. **Commē-**

Sed primum, quia potentia tua, quae in dat legē ijs lucet, valde me delestat. Cumque pulchritudo tanti operis, vndique pulchritu- gislatoris dinem cōmendet, & clamet artificis, certe maiestas. docet me, vt tanti Regis, tantię Facto- ris amplectar, & concupiscā legem. Nam, si ad parendum inuitat imperantis maie- stas, quanto ardore excipienda iussa, quae Secundō tantus autor imponit! Deinde, si Sapien- sapientia, tię tue, quae in his operibus apparet, non *S. Ambr.* est numerus; & primus discendi ardor no- 2. de Vir- bilitas est magistrī, quo affectu lex, & do- gin. init. strina mihi euoluenda, & amplexanda est, quae à sapientissimo legislatore profici- tur? Ad hęc liquidò contemplor, qui sin- Tertiō, gulari prouidētia, in hac ordinatione cun- Proui- ēta moderaris, nō permisurū, vt me, dum dentia. tibi parere, & placere studeo, calumniato- res opprimant. Atque ideo legi tuę medi- tandae liberius vacare possum, quia video me sub tua prouidentia gubernari. Præter- eā cum tanta prouidentia, & solicitudine à te administrātur ea, quę propter hominē facta sunt, multo magis homines ipsos, & me gubernare non desines. Vnde constat,

## 470 MEDITATIONES

si tribulationes, & tentationes patior, magna id dispensatione, & sapientia geri. Nō enim id sine ingenti mea utilitatē permittis, qui tam potens, & sapiens, & bonus es. Postremò illud diligentissimè perpendo, si ea, quæ inanimata sunt, nec vlla mercede potentur, ita legem tuam seruant, quā posuisti eis, quid mihi faciendum sit, qui excellentiori modo, intellectu, & voluntate, hoc est, cognitione, & amore tibi seruio: nec in vacuum, aīst gratis seruio, sed tot iam donis præoccupatus, tantæ mercedis promissionibus ad cælestia vocor. Merito ergò hæc cōsiderans, & admirans, legem tuam, & meditari, & seruare studio, quam quodammodo me tot, tantæq; voces edocent, tot mirabilia vel surdis proclamat. Quoniam & per ipsa elementa mundi, tanquam per publicas paginas, significationem diuinæ voluntatis accipimus: nec vñquam cessat superna eruditio, quando etiam de ijs, quæ nobis famulan- tur, imbuimur.

S. Leo ser.  
7. de ieiu.  
10. mens

92 Nisi quod lex tua meditatio mea  
est; tunc fortè perijsem in hu-  
militate mea.

**E**cce fructus meditationis legis tuae. Nam in humilitate, & afflictione non esse in hac vita, quæ tota tētatio est, omni-  
tudo non possum. In hac ergo summa affli-  
ctione,